

Daengx Cin Caemhguh Hwnjdin Onj Aen'aen Doihengz Seizseiq Moq

整镇铺开起步好 整体推进局面新

——Geiq Vujsenh Yen Dungzlingj Cin Cunghsinhyau Hong Cuengh Gun Song Saw Vah Sonhag

□ bonjbauq gicej Banh Cauzyangz dunghsinhyenz Siz Caizyij Veiz Gyahmeiz

Dungzlingj Cin youq baihnanz Dahgenzyangh Vujsenh Yen, daengx cin miz 6.6 fanh vunz. Aen cin neix lizsij vwnzva gyaeraez, ndawde Bouxcuengh “foux roegdingdiuj” gig mizmingz, swncienz geij bak bi lo. Seizneix, Dungzlingj Cin Cunghsinhyau guenj bonjhag caeuq 13 aen hag lajmbanj. Daengx hag miz lauxsae 198 vunz, it daengz roek nienzgaep hagseng 3436 vunz, ndawde Bouxcuengh ciemq 90%. Aen hag neix daj 2013 nienz hengzguh Cuengh Gun song saw vah sonhag, dwg daengx gih aen hagdangz Cuengh Gun song saw vah sonhag ceiq cungyau ndeu.

It. Gyagiengz lingjdauj minz-cuz gyauyuz

Geij bi neix daeuj, Dungzlingj Cin Cunghsinhyau dawz minzcuz gyauyuz dangguh hangh hong youqgaenj ndeu, doigvangq saedhengz Cuengh Gun song saw vah sonhag. It dwg gyagiengz lingjdauj. Baij boux fuyaucangj ndeu cienmonz guenj hong Cuengh Gun song saw vah sonhag, boiq miz Sawcuengh fujdaujyenz. Ngeih dwg gyagiengz senhconz. Guh minzcuz vwnzva senhconzlanz daeuj senhconz Cuengh Gun song saw vah sonhag, sawj vunzlai rox minzuz cwnwcwz, caez guh ndei hong minzcuz doxgiet.

Ngeih. Daengx cin saedhengz Cuengh Gun song saw vah sonhag

Dungzlingj Cin Cunghsinhyau gaxgonq cijmiz Sinhlungz Siujyoz saedhengz Cuengh Gun song saw vah sonhag. 2012 daengz 2013 nienz, aen hag neix ciuq Swcigih 《Gij Yigen Gvendaengz Caenh' itboub Gyagiengz Cuengh Gun Song Saw Vah Sonhag》(Gvei cwnghan fat [2012] 329 hauh) cingsaenz, ginggvaq haujlai baez diucax yenzgiu, gietdingh daengx cin saedhengz Cuengh Gun song saw vah sonhag.

Dungzlingj Cin Cunghsinhyau saedhengz Cuengh Gun song saw vah sonhag faen song yamq byaij.

It dwg gya'gvangq Sinhlungz Siujyoz. 2012 nienz dawz Dadungz、Yinzhan caeuq Liengzdieng sam aen siujyoz gyawj haw Sinhlungz neix gyoeb haeuj Sinhlungz Siujyoz. Dadungz、Yinzhan caeuq Liengzdieng cij banh gyauyozdenj. Sinhlungz Siujyoz seizneix miz 40 lai aen ban, hagseng 1200 lai vunz, daengx hag saedhengz Cuengh Gun song saw vah doengzbouh sonhag.

Ngeih dwg daengx cin siujyoz saedhengz Cuengh Gun song saw vah sonhag.

Daj 2013 nienz hwnj, Dungzlingj Cin youq daengx cin gak aen siujyoz



▲Gyoengq hagseng diuq fouxfaexsax sugsed ndei yawj.

mbehai Cuengh Gun song saw vah sonhag, gietdingh youq cunghsinhyau caeuq lajmbanj siujyoz hengzguh Cuengh Gun song saw vah mozsi ngeihloih sonhag. Daengz neix, Vujsenh Yen saedyienh Cuengh Gun song saw vah sonhag daj aen hag ndeu bienqbaenz daengx cin hengzguh, gij gveihmoz Cuengh Gun song saw vah sonhag ndaej daengz caenh' itboub mbe'gvangq.

Seizneix, Dungzlingj Cin Cuengh Gun song saw vah sonhag miz song cungj mozsi: It dwg Sinhlungz Siujyoz caeuq geij aen gyauyozdenj gyawj haw Sinhlungz neix laebdaeb guh Cuengh Gun song saw vah doengzbouh sonhag, ngeih dwg Dungzlingj Cin Cunghsinhyau bonjhag caeuq geij aen siujyoz gyawj haw Dungzlingj neix hengzguh Cuengh Gun song saw vah mozsi ngeihloih sonhag.

Sam. Beizyangj lauxsae Saw-cuengh Sawgun cungj rox son

Dungzlingj Cin Cunghsinhyau yawjnaek beizyangj lauxsae, moix bi cungj cujciz lauxsae hag gij cwnwcwz minzcuz、《Byauhcuinj Gocwngz Sawcuengh》, geij bi neix daeuj cujciz lauxsae bae rog dieg yawjngonz hagsib haujlai baez. Aen hag neix mboujdanh gaenx baij lauxsae bae camgya gak cungj beizyin, lij gag banh geij geiz Sawcuengh beizyinbanh. Daj 2010 nienz daeuj, Dungzlingj Cin Cunghsinhyau lauxsae gunh miz 126 vunz camgya gvaq gak cungj beizyinbanh ndaw hag caeuq rog hag, miz 7 vunz aeundaej bonjcingq Vahcuengh Sawcuengh suiibingz gaujsi.

Seiq. Cizlieng Cuengh Gun

song saw vah sonhag ndaej daezsang

Dungzlingj Cin Cunghsinhyau dawz Cuengh Gun song saw vah sonhag lied haeuj cangzgveih guenj-leix hagdangz bae

It dwg yungh 《Byauhcuinj Gocwngz Sawcuengh》guh cijdauj. Fujdaujyenz gaenx haeuj hagdangz dingq goq caeuq bingz goq, gyagiengz genjcaz caeuq cijdauj.

Ngeih dwg anbaiz ndei gyauyenz hozdung. Moix bi banh gij hozdung diyzuz minzcuz haeuj hagdangz、fwengo minzcuz haeuj hagdangz, banh cozwvwnz Sawcuengh doxdax、Vahcuengh byauhcuinj doxdax、lauxsae gangj goq doxdax daengj gak hangh gyauyenz hozdung.

Sam dwg anbaiz ndei cizlieng genjcwz. Moix bi cujciz roek nienzgaep hagseng camgya daengx gih Sawcuengh bizyez cwzsi, ndaw hag moix geiz cungj guh ndei cizlieng genjcwz. Geij bi neix daeuj, Dungzlingj Cin siujhagseng camgya daengx gih Sawcuengh bizyez cwzsi cungj aeundaej cingzcek ndei. Lumj 2014 nienz, daengx cin 174 vunz camgya, faenbingzyaenz ndaej 63.4 faen, gizgwzliiz ndaej 67.7%, youh-siuliz ndaej 35.3%, ndawde 5 vunz doengz ndaej ceiq sang 97 faen.

Haj. Hozdung minzcuz vwnz-va lai cungj lai yiengh

Geij bi neix daeuj, Dungzlingj Cin Cunghsinhyau gawjbanh lai cungj lai yiengh hozdung daeuj senhconz minzcuz vwnzva.

It dwg dawz dagogenh hozdung banh ndaej lai cungj lai yiengh. Miz



▲Hagseng yienj foux roegdingdiuj.



▲Hagseng lauxsae camgya daengx gih gangj goj Vahcuengh byauhcuinj sat le hab'ingj.

“foux roegdingdiuj”、foux haizgieg-raez、ringx gengxdiet、diuq cagnyangj daengj, hawj hagseng rox minzcuz vwnzva bonjfaenh.

Ngeih dwg banh ndei ciet yisuzceez. Dungzlingj Cin cunghsinhyau youq bi'gvaq 11 nyied co gawjbanh gaiq daih'it minzcuz vwnzva yisuzceez, sawj hagseng rox gij cihsiz minzcuz, baijyienj gij vwnzva ndei minzcuz, senhconz gij cingsaenz gaenxguh yiengq ndei.

Sam dwg yinxson gak aen ciet conzduing. Lumjbaenz cietfwen “sam nyied sam” Bouxcuengh caeuq cietcingmingz, daiq hagseng bae ranzgingqlaux guh saehnde. Ciet nguxnyied co'ngux gangj gij goj Gizyenz gyaez guekcoj.

Doenggvaq doenghgij hozdung neix, sawj hagseng rox conzduing vwnzva guekcoj raeuz, beizyangj hagseng gyaez dangj gyaez guekcoj.

2014 nienz 5 nyied, gyauyuzbu caeuq guekgya minzveij lienzhab diuyenzcuji bae daengz Dungzlingj Cin cazyawj minzcuz gyauyuz, gyoengq lingjdauj、lauxhangz cungj haenh aen hag neix Cuengh Gun song saw vah sonhag caeuq minzcuz doxgiet gyauyuz guh ndaej ndei.

Samcib bi daeuj, Dungzlingj Cin Cunghsinhyau laebdaeb damqra diuzloh minzcuz gyauyuz, song baez bingz ndaej Vujsenh Yen minzcuz yijvwnz gunghcoz senhcin cizdij. Seizneix daengx cin ndaej mbe'gvangq Cuengh Gun song saw vah sonhag, gyoengqde miz saenqsim dawz aen hag neix hong minzcuz gyauyuz guh ndaej engq miz daegsaek、cingzcek engq ndei.